

22 FEB 1996

AGONG DAN PM HANTAR PERUTUSAN TAHNIAH KEPADA SULTAN BRUNEI

KUALA LUMPUR, 22 Feb (Bernama) -- Yang di-Pertuan Agong Tuanku Ja'afar menghantar perutusan tahniah kepada Sultan Hassanal Bolkiah sempena sambutan Hari Kebangsaan Brunei ke-12 esok.

Dalam perutusannya, Seri Paduka Baginda melahirkan rasa kesyukuran di atas hubungan akrab dan semangat kerjasama rapat yang terjalin di antara Malaysia dan Brunei dan berharap ia dapat dipertingkatkan lagi.

Perdana Menteri Datuk Seri Dr Mahathir Mohamad turut mengucapkan tahniah kepada Sultan Brunei dan berharap jalinan persahabatan dan kerjasama antara kedua-dua negara akan bertambah erat lagi di masa depan untuk peningkatan kemajuan dan kesejahteraan rakyat bersama.

Menteri Luar Datuk Abdullah Ahmad Badawi turut menghantar perutusan yang sama kepada rakan sejawatannya Pengiran Perdana Wazir Sahibul Himmah Wal-Waqar Pengiran Muda Mohamad Bolkiah. -- Bernama

DAB DC